

Primljeno: 14-02-2022			
Org. jed.	Broj	Priloga	Vrijednost
02	02	414/17	

Broj:S-05-02-5-260/2022

Datum, 11.02.2022.g.

**DOM NARODA PARLAMENTA FEDERACIJE BiH**

Tomislav Martinović, predsjedavajući Doma naroda Parlamenta Federacije BiH

**FEDERALNO MINISTARSTVO ZDRAVSTVA**

n/r Dr. Marina Bera, pomoćnik ministra

**Predmet: Podrška usvajanju Zakona o kontroli i ograničenoj upotrebi duhana, duhanskih i ostalih proizvoda u Federaciji BiH**

Poštovana,  
obraćamo Vam se u vezi Prijedloga zakona o kontroli i ograničenoj upotrebi duhana, duhanskih i ostalih proizvoda za pušenje (Prijedlog zakona) koji je stavljen na dnevni red sjednice Doma naroda Parlamenta Federacije BiH koja će se održati 17. 02. 2022.god.

Podsjećamo da je Bosna i Hercegovina 2009. ratificirala Okvirnu konvenciju o kontroli duhana Svjetske zdravstvene organizacije (SZO) čime se pravno obavezala da u roku od pet godina usvoji sveobuhvatne zakone koji zabranjuju pušenje na javnim mjestima, reklamiranje, promociju i sponzoriranje duhanskih proizvoda kao i obavezna grafička zdravstvena upozorenja na pakiranjima duhanskih proizvoda.

Prijedlog Zakona slijedi najbolju međunarodnu praksu koja dokazano djeluje u smjeru smanjenja prevalencije pušenja stanovništva i pripremljen je u skladu sa odredbama Okvirne konvencije o kontroli duhana SZO i EU Direktive 2014/40, u kojima je data jasno definisan štetan uticaj duhanskih proizvoda po zdravlje i značaj zaštite zdravlja od posljedica duhanskog dima.

Skorija straživanja su potvrdila da pušenje još uvijek predstavlja najveći pojedinačni faktor rizika po zdravlje stanovništva Federacije BiH, a jedan od razloga je nedostatak adekvatnih zakona u oblasti kontrole duhana.

Federacija BiH bilježi 44,1% stalnih pušača s preko 50% svakodnevno izloženih pasivnom pušenju i preko 15.000 smrti godišnje usljed bolesti koje se povezuju sa pušenjem, predstavlja vrh crne statistike ovog dijela regiona.

Školska djeca i mladi u Federaciji BiH značajno više konzumiraju duhanske proizvode u odnosu na svoje vršnjake u zemljama u okruženju. Skoro četvrtina školske djece (24,4%) trenutno konzumira neki od duhanskih proizvoda, od čega 13,8% djece, trenutno puši cigarete, 16,1% djece trenutno puši nargilu a 10,9% e-cigarete. Preko 80% djece kupuje duhanske proizvode bez ograničenja u odnosu na godine. Preko 60% djece je svakodnevno izloženo posljedicama pasivnog pušenja u svim vrstama zatvorenih javnih mjesta.

Također, ističemo da brojna istraživanja pokazuju 70% građana Federacije BiH podržava zabranu pušenja u zatvorenim javnim prostorima.

Posljedice pandemije COVID-19 i stanje u javnom zdravstvu podstakle su vlade širom svijeta da posvete veću pažnju zdravstvenoj zaštiti stanovništva. Zvanični stav SZO i Evropskog centra za kontrolu i prevenciju bolesti (ECDC) kao i mnogih drugih međunarodnih organizacija je da pušači predstavljaju rizičnu skupinu za razvijanje težih oblika COVID-19.


**Usvajanjem Prijedloga Zakona Dom naroda Parlamenta Federacije BiH pokazao bi privrženost inicijativama koje smanjuju broj oboljelih i umrlih u Federaciji BiH od oboljenja i stanja koja se direktno povezuju sa pušenjem, reduciranju troškova zdravstvene i socijalne zaštite te dugoročno doprinose razvoju cijele zajednice.**

Ističemo da smo primili pisma podrške za usvajanje Prijedloga Zakona od strane

1. J.U. Zavoda za javno zdravstvo Kantona Sarajevo
2. Zavoda za javno zdravstvo Hercegovačko - neretvanskog kantona
3. J.U. Zavoda za javno zdravstvo Bosansko - podrinjskog kantona
4. Zavoda za javno zdravstvo Županije Hercegbosanske
5. Zavoda za javno zdravstvo Tuzlanskog kantona
6. Zavoda za javno zdravstvo Unsko-sanskog kantona
7. Zavoda za javno zdravstvo Srednjobosanskog kantona
8. Instituta za zdravlje i sigurnost hrane Zenica
9. Zavoda za javno zdravstvo Županije Posavske
10. Udruženja specijalista javnozdravstvenih disciplina u F BiH

kao čvrsto oprijedljenje da ovaj je zakon direktan doprinos zaštiti javnog zdravlja u Federaciji BiH.

S poštovanjem!



**DIREKTOR**

*Siniša Skočibušić*  
Mr. sc. Siniša Skočibušić, dr. med.

**Prilozi dopisi podrške:**

1. J.U. Zavoda za javno zdravstvo Kantona Sarajevo
2. Zavoda za javno zdravstvo Hercegovačko-neretvanskog kantona
3. J.U. Zavoda za javno zdravstvo Bosansko-podrinjskog kantona
4. Zavoda za javno zdravstvo Županije Hercegbosanske
5. Zavoda za javno zdravstvo Tuzlanskog kantona
6. Zavoda za javno zdravstvo Unsko-sanskog kantona
7. Zavoda za javno zdravstvo Srednjobosanskog kantona
8. Instituta za zdravlje i sigurnost hrane Zenica
9. Zavoda za javno zdravstvo Županije Posavske
10. Udruženja specijalista javnozdravstvenih disciplina u F BiH